



**ХАРИЛЦАА ХОЛБООНЫ
ЗОХИЦУУЛАХ ХОРООНЫ
ТОГТООЛ**

2026 оны 06 сарын 23 өдөр

Дугаар 75

Улаанбаатар хот

Г

Г

**Сонгон шалгаруулалтын жишиг баримт бичиг
батлах тухай**

Зөвшөөрлийн тухай хуулийн 5.6 дугаар зүйлийн 1 дэх хэсэг, Радио долгионы тухай хуулийн 5¹ дүгээр зүйлийн 5^{1.1.8}, 5^{1.1.11} дэх заалт, Цахим хөгжил, инновац, харилцаа холбооны сайдын 2025 оны А/46 дугаар тушаалын хавсралтаар баталсан “Үндэсний радио давтамжийн хуваарилалтын хүснэгт”, Харилцаа холбооны зохицуулах хорооны 2022 оны 38 дугаар тогтоолын хавсралтаар баталсан “Хэт богино долгионы радио өргөн нэвтрүүлэгт ашиглах радио давтамжийн зурвасын хуваарилалт, техникийн нөхцөл, шаардлага”-ыг тус тус үндэслэн ТОГТООХ нь:

1. “Радио өргөн нэвтрүүлгийн станцад радио давтамж, радио давтамжийн зурвас ашиглах тусгай зөвшөөрөл олгох сонгон шалгаруулалтын жишиг баримт бичиг”-ийг хавсралтаар баталсугай.
2. Энэхүү тогтоолыг баталсантай холбогдуулан радио өргөн нэвтрүүлгийн станцад радио давтамж, радио давтамжийн зурвас ашиглах сонгон шалгаруулалтыг тухай бүр зохион байгуулах үүрэг бүхий үнэлгээний ажлын хэсэг байгуулах, тогтоолын хэрэгжилтэд хяналт тавьж ажиллахыг тус Хорооны дарга /Ж.Бат-Эрдэнэ/-д үүрэг болгосугай.

ДАРГА

Ж.БАТ-ЭРДЭНЭ

ГИШҮҮД

Б.АНХБААТАР

Ц.ГАНЗОРИГ

Б.ДАГВАСҮМБЭРЭЛ

Ч.ЗОЛБАЯР

С.ТАМИР

А.ҮЙЛСТӨГӨЛДӨР



Харилцаа холбооны зохицуулах хорооны
2026 оны 06 дугаар сарын 23-ны өдрийн
75 дугаар тогтоолын хавсралт



ХАРИЛЦАА ХОЛБООНЫ ЗОХИЦУУЛАХ ХОРОО

**РАДИО ӨРГӨН НЭВТРҮҮЛГИЙН СТАНЦАД РАДИО ДАВТАМЖ, РАДИО
ДАВТАМЖИЙН ЗУРВАС АШИГЛАХ ТУСГАЙ ЗӨВШӨӨРӨЛ ОЛГОХ СОНГОН
ШАЛГАРУУЛАЛТЫН ЖИШИГ БАРИМТ БИЧИГ**

Улаанбаатар хот
2026 он

НЭГ. ЕРӨНХИЙ ЗҮЙЛ**1.1. Сонгон шалгаруулалтын цар хүрээ**

- 1.1.1. Энэхүү сонгон шалгаруулалтын баримт бичгээр радио өргөн нэвтрүүлгийн станцад радио давтамж, радио давтамжийн зурвас ашиглах тусгай зөвшөөрлийн сонгон шалгаруулалтын ажлыг зохион байгуулна.
- 1.1.2. Радио долгионы тухай хуулийн 11 дүгээр зүйлийн 11.7-д заасны дагуу сонгон шалгаруулалтаар зарласан радио давтамж, радио давтамжийн зурвас бүрт хамгийн өндөр оноо авсан оролцогчийг шалгаруулна.
- 1.1.3. Харилцаа холбооны зохицуулах хорооны 2022 оны 38 дугаар тогтоолын хавсралтаар батлагдсан “Хэт богино долгионы радио өргөн нэвтрүүлэгт ашиглах радио давтамжийн зурвасын хуваарилалт, техникийн нөхцөл, шаардлага”-ыг болон энэхүү баримт бичгийг баримтална.

1.2. Эрх бүхий сонгон шалгаруулалтад оролцогч

- 1.2.1. Монгол Улс эсхүл сонгон шалгаруулалт зарлаж буй хамрах хүрээнд арилжааны радиогийн үйлчилгээ эрхлэх тусгай зөвшөөрөлтэй хуулийн этгээд байна.

1.3. Төслийг бүрдүүлэх, сонгон шалгаруулалтад оролцох

- 1.3.1. Оролцогч нь төслийн иж бүрдлийг энэхүү сонгон шалгаруулалтын баримт бичгийн 2.2-2.9 дэх хэсэгт заасны дагуу бүрдүүлэх ба төслийн иж бүрдлийг маягт №5-д бүртгэж ирүүлнэ.
- 1.3.2. Оролцогч төслийг бэлтгэн ирүүлэхтэй холбогдон гарах бүх зардлыг хариуцана.

1.4. Сонгон шалгаруулалтын баримт бичгийг тодруулах

- 1.4.1. Оролцогч нь сонгон шалгаруулалтын баримт бичгийн талаар тодруулга, тайлбар авах шаардлагатай бол хүсэлтээ албан бичгээр Зохицуулах хорооны сонгон шалгаруулалтын үнэлгээний ажлын хэсэгт (цаашид “Үнэлгээний ажлын хэсэг” гэх) гэж хаяглан ирүүлнэ.
- 1.4.2. Үнэлгээний ажлын хэсэг нь төсөл хүлээн авах эцсийн хугацаанаас ажлын **5 (тав)**-аас доошгүй хоногийн өмнө ирүүлсэн тодруулга авах хүсэлтэд хариу өгнө.
- 1.4.3. Үнэлгээний ажлын хэсэг тодруулга өгөх ажлыг зохион байгуулах бөгөөд бүх оролцогчид албан бичгээр мэдэгдэнэ.
- 1.4.4. Үнэлгээний ажлын хэсэг нь сонгон шалгаруулалт зарласнаас хойш ажлын **5-аас** доошгүй хоногийн дараа оролцогчид төсөл бэлдэх зааварчилгааг өгнө.

1.5. Сонгон шалгаруулалтын баримт бичигт нэмэлт, өөрчлөлт оруулах

- 1.5.1. Зохицуулах хороо нь төслийг хүлээн авах эцсийн хугацаа дуусахаас ажлын **5-аас** доошгүй хоногийн өмнө СШББ-т нэмэлт, өөрчлөлт оруулж болно.
- 1.5.2. СШББ-т оруулсан нэмэлт, өөрчлөлт нь СШББ-ийн салшгүй хэсэг болох бөгөөд түүнийг бүх оролцогчид бичгээр мэдэгдэнэ.

ХОЁР. СОНГОН ШАЛГАРУУЛАЛТЫН ТӨСӨЛ БЭЛТГЭХ**2.1. Төслийн ерөнхий болон үнэлгээний нөхцөл, шаардлага**

- 2.1.1. Оролцогчид төслөө СШББ-ийн дагуу бэлтгэх ба төсөл нь монгол хэл дээр байна. (Жич: Зөвхөн техникийн холбогдолтой хавсралт материалууд англи хэл дээр

байж болно. Бусад хэл дээрх материалыг монгол хэл дээр баталгаат орчуулгаар орчуулан эх хувийг хавсаргасан байна.)

- 2.1.2. Радио долгионы тухай хуулийн 11 дүгээр зүйлийн 11.6-д заасны дагуу энэхүү баримт бичгийн 2.2-2.9 хүртэл нөхцөл, шаардлагуудыг хангах баримт, материалыг ирүүлнэ.
- 2.1.3. СШББ-ийн 2.4, 2.5-т ирүүлсэн төслийн баримт бичгүүд нь радио давтамж, радио давтамжийн зурвас ашиглах тусгай зөвшөөрлийн гэрээний салшгүй хэсэг болно.

2.2. Төслийн ерөнхий шаардлага

- 2.2.1. Оролцогч нь сонгон шалгаруулалтад оролцох өргөдлийн маягт №1-ийн дагуу албан бичгийг төлөөлөх эрх бүхий этгээд гарын үсэг зурж ирүүлнэ.
- 2.2.2. Оролцогч сонгон шалгаруулалтын баримт бичигтэй сайтар танилцаж, холбогдох хууль, захиргааны хэм хэмжээний актуудыг судалсан гэдгээ баталгаажуулсан сонгон шалгаруулалтад оролцогчийн баталгааны маягт №2-ын дагуу албан бичиг ирүүлнэ.
- 2.2.3. Байгууллагын бүтэц, удирдлага, үйл ажиллагааны танилцуулга болон радио давтамж ашиглах тусгай зөвшөөрлийн хэрэгцээ шаардлага, төлөвлөж буй үйл ажиллагааны танилцуулга ирүүлнэ.
- 2.2.4. СШББ-ийн маягт №5-ыг бөглөж хуудасны дугаарыг үнэн зөв тэмдэглэж ирүүлнэ.

2.3. Радио давтамж ашиглан байгуулах сүлжээ, үйлчилгээний төрөл, түүний хамрах нутаг дэвсгэр

- 2.3.1. Үндсэн сувгийн нэвтрүүлэгч (станц), түүний антен фидерийн тоног төхөөрөмжийн байгуулалтын зураглал, технологи, төхөөрөмжийн ажиллагааны зарчим, блок схемийг ирүүлнэ.
- 2.3.2. Радио өргөн нэвтрүүлгийн станцын газар зүйн байршлын мэдээллийг маягт №8-ын дагуу бөглөж ирүүлнэ.

2.4. Техник, технологийн сонголт, үзүүлэлт

- 2.4.1. Радио өргөн нэвтрүүлгийн нэвтрүүлэгч болон антены техникийн үзүүлэлтийг ирүүлнэ.
- 2.4.2. Нэвтрүүлэгч станцын тохирлын гэрчилгээ эсхүл нийлүүлэгчийн мэдэгдлийг ирүүлнэ. *(Тохирлын гэрчилгээ гэдэг нь тухайн улсын эсхүл үндэсний баталгаажуулалтын байгууллагаас олгосон гэрчилгээ, нийлүүлэгчийн мэдэгдэл гэдэг нь тухайн үйлдвэрлэгчийн тоног төхөөрөмж стандарт шаардлагыг хангасныг нотолсон баримт бичиг болно.)*

2.5. Үйлчилгээ хүргэх хугацааны төлөвлөлт

- 2.5.1. Радио нэвтрүүлэгч станцыг суурилуулж, нэвтрүүлэх хугацааны хуваарийг байршил тус бүрээр маягт №4-ийн дагуу бөглөж ирүүлнэ.

2.6. Өрсөлдөөн, зах зээлд үзүүлэх нөлөө

- 2.6.1. Тухайн нутаг дэвсгэрт үйл ажиллагаа хэрэгжүүлэх төлөвлөгөө, үр ашгийн талаар танилцуулгыг ирүүлнэ.
- 2.6.2. Тухайн зах зээлд өрсөлдөх нөхцөл /үнэ болон бүтээгдэхүүн, үйлчилгээний онцлог/, өртөгт суурилсан тарифын тооцоолол, хөрөнгө оруулалтад суурилсан санхүүгийн төсөөлөл /орлого, зардлын бүтэц/-ийг холбогдох тооцоог ирүүлнэ.

2.7. Санхүүгийн төлөвлөлт, чадавх

2.7.1. Үйлчилгээ хүргэхэд шаардагдах хөрөнгө оруулалтын жагсаалт, шууд болон шууд бус зардал зэргийг тооцсон техник, эдийн засгийн тооцоолол, санхүүгийн төлөвлөлт, санхүүгийн эх үүсвэрээ тодорхойлсон баримтыг ирүүлнэ; (Оролцогч нь хөрөнгө оруулалтыг өөр эх үүсвэрээс санхүүжүүлэх бол хөрөнгө оруулагчийн баталгаа, банкны тодорхойлолт;)

2.7.2. Өмнөх оны жилийн эцсийн санхүүгийн баталгаажсан тайланг ирүүлнэ.

2.8. Хүний нөөцийн чадавх

2.8.1. Төслийг хэрэгжүүлэх хүний нөөцийн бодлого, төлөвлөлт, зохион байгуулалт болон удирдлагын баг, инженер техникийн ажилтнуудын талаарх танилцуулга, нийгмийн даатгалын шимтгэл төлсөн баримт эсхүл ажилд авсан тушаал, хөдөлмөрийн гэрээг ирүүлнэ.

2.8.2. Танилцуулгатай холбоотой хүний нөөцийн мэдээллийг СШББ-ийн маягт №3-ыг бөглөн ирүүлнэ.

2.9. Тусгай зөвшөөрлөөр эрхлэх үйл ажиллагаанд тавих нөхцөл, шаардлага хангах байдал

2.9.1. Радио давтамж, радио давтамжийн тусгай зөвшөөрлийн хүрээнд хийгдсэн хяналт, статистик тайлан. (Оролцогч энэ шаардлагад материал ирүүлэхгүй.)

2.9.2. Арилжааны радиогийн үйлчилгээ эрхлэх тусгай зөвшөөрлийн хүрээнд Өргөн нэвтрүүлгийн тухай хуулийн 10.8.4, 23.5-д заасан хөтөлбөрт тавигдах шаардлагыг хэрхэн хангаж ажиллах талаарх бүтээл, нэвтрүүлгийн жагсаалт, танилцуулгыг ирүүлнэ.

ГУРАВ. СОНГОН ШАЛГАРУУЛАЛТЫН ТӨСӨЛ

3.1 Төсөл хүчинтэй байх хугацаа, ирүүлэх хувь

3.1.1 Төсөл нь нээсэн өдрөөс хойш 30 [гуч] хоногийн хугацаанд хүчинтэй байна.

3.1.2 Үнэлгээний ажлын хэсэг нь гамшгийн болон онцгой нөхцөл байдлын улмаас төсөл хүчинтэй байх хугацааг сунгахаар шийдвэрлэсэн тохиолдолд бүх оролцогчид мэдэгдэнэ.

3.1.3 Оролцогч нь 2.2-2.9-т заасан иж бүрдлийн бичиг баримтын эх хувийг бэлтгэн хавтаслаж, түүнд “ЭХ ХУВЬ” гэсэн бичиглэл хийх ба түүнээс гадна 1 ширхэг “ЦАХИМ ХУВЬ” (PDF өргөтгөлтэйгөөр зөөврийн санах ой (USB flash drive эсхүл compact disc) бэлтгэн ирүүлнэ.

3.2 Төслийг битүүмжлэх, бичиглэл хийх

3.2.1 Оролцогч нь төслийн “ЭХ ХУВЬ” болон “ЦАХИМ ХУВЬ”-ийг хамтад нь эсхүл тус тусад нь дугтуйнд хийж битүүмжлэн, урилгад заасан шуудангийн хаягаар үнэлгээний ажлын хэсэгт ирүүлнэ.

3.2.2 ЭХ ХУВЬ болон ЦАХИМ ХУВЬ хоорондоо зөрчилдсөн тохиолдолд ЭХ хувийг баримтална.

3.2.3 ЭХ ХУВИЙН хуудас тус бүрийг дугаарлаж, тэмдэг дарж баталгаажуулна.

3.2.4 Оролцогч нь төслийн “ЭХ ХУВЬ” болон “ЦАХИМ ХУВЬ”-ийг дугтуйнд хийж битүүмжлэхдээ дараах тэмдэглэгээ, бичиглэлийг хийнэ. Үүнд:

а. Сонгон шалгаруулагч байгууллагын нэр, шуудангийн хаяг;

б. Сонгон шалгаруулалтын нэр, дугаар;

в. Сонгон шалгаруулалтын төслийг хүлээн авах эцсийн хугацаанаас өмнө “НЭЭЖ ҮЛ БОЛНО” гэсэн бичиглэл;

г. Сонгон шалгаруулалтад оролцогчийн нэр, шуудангийн хаяг, утас.

3.3 Төсөл хүлээн авах эцсийн хугацаа

- 3.3.1 Оролцогч төслийг сонгон шалгаруулалт урилгад заасан төсөл хүлээн авах эцсийн хугацаанаас хоцроолгүйгээр ирүүлнэ.
- 3.3.2 Төслийг хүлээн авахад Монгол Улсын Стандартчилал, хэмжилзүйн газрын цаг, давтамжийн эталон цагийн серверийн мастер цагийг баримтална.
- 3.3.3 СШББ-ийн 1.5-ын дагуу СШББ-т нэмэлт, өөрчлөлт оруулсны улмаас төсөл хүлээн авах эцсийн хугацааг сунгасан тохиолдолд үнэлгээний ажлын хэсэг болон оролцогчийн эрх, үүрэг сунгасан хугацааны туршид хэвээр үйлчилнэ.
- 3.3.4 СШББ-т нэмэлт, өөрчлөлт орсон, гамшгийн болон онцгой нөхцөл байдал үүссэн тохиолдолд Зохицуулах хороо нь шаардлагатай гэж үзвэл төсөл хүлээн авах эцсийн хугацааг нэг удаа сунгаж болно. Сунгасан тухай мэдэгдлийг бүх оролцогчид албан бичгээр хүргэнэ.

3.4 Хугацаа хоцорсон сонгон шалгаруулалтын төсөл

- 3.4.1 Үнэлгээний ажлын хэсэг нь СШББ-ийн 3.3.1-т заасан төсөл хүлээн авах эцсийн хугацаанаас хойш ирүүлсэн төслийг “хугацаа хоцорсон” гэж зарлан түүнээс татгалзаж, нээлгүйгээр буцаана.

ДӨРӨВ. СОНГОН ШАЛГАРУУЛАЛТЫН ТӨСӨЛ ХҮЛЭЭЖ АВАХ, ҮНЭЛЭХ

4.1. Төсөл хүлээн авах, нээх үйл ажиллагаа

- 4.1.1. Үнэлгээний ажлын хэсэг ирүүлсэн төслийн зөвхөн гаднах битүүмжлэл, бичиглэлийг шалгаж, хүлээн авна.
- 4.1.2. Үнэлгээний ажлын хэсэг төсөл хүлээж авсан тухайгаа тэмдэглэл хөтөлж, уг төслийг хүлээлгэж өгсөн сонгон шалгаруулалтад оролцогчийн төлөөлөгчид танилцуулан, гарын үсэг зуруулна. (маягт №6).
- 4.1.3. Үнэлгээний ажлын хэсэг төслийг хүлээн авах эцсийн хугацаанаас хойш 1 цагийн дотор хүлээн авсан төслийг оролцогчийн төлөөллийг байлцуулан нээнэ. Нээх тодорхой хугацаа, байршлыг оролцогчид төсөл хүлээн авах үед мэдэгдэнэ.
- 4.1.4. Сонгон шалгаруулалтын нээлтэд оролцогчийн төлөөлөгч байлцах эрхтэй ба нээлтэд оролцоогүйгээс үүсэх хариуцлагыг үнэлгээний ажлын хэсэг хүлээхгүй.
- 4.1.5. Үнэлгээний ажлын хэсэг сонгон шалгаруулалтын нээлт дээр төсөл ирүүлсэн оролцогчийн нэрийг зарлаж, тэмдэглэл үйлдэн, оролцогчоор гарын үсэг зуруулна. (маягт №7).
- 4.1.6. Үнэлгээний ажлын хэсэг төслийг хүлээн авснаас хойш төсөл хүчинтэй байх хугацаа дуусах хүртэл төслийн материалыг бүрэн бүтэн хадгална.

4.2. Үнэлгээний ажлын хэсэг

- 4.2.1. Үнэлгээний ажлын хэсэг нь ахлагч, нарийн бичиг, гишүүдээс бүрдсэн 5-аас доошгүй сондгой тооны бүрэлдэхүүнтэй байх бөгөөд Зохицуулах хорооны даргын тушаалаар байгуулна.
- 4.2.2. Үнэлгээний ажлын хэсэг нь ашиг сонирхлын зөрчил үүссэн эсхүл үүссэн гэж ойлгогдохуйц нөхцөл байдал илэрсэн тохиолдолд ашиг сонирхлын мэдэгдэл болон нууцын баталгааг тус тус гарган ажиллана.

4.2.3. Хэрэв үнэлгээний ажлын хэсгийн ахлагч, нарийн бичиг, гишүүн нь оролцогчтой ашиг сонирхлын зөрчил үүснэ гэж үзвэл үнэлгээний ажлын хэсэгт ажиллахаас татгалзаж болно.

4.3. Төслийг иж бүрдлийг хянан үзэх

- 4.3.1. Үнэлгээний ажлын хэсэг нь эрх бүхий оролцогчийн төслийг нарийвчлан үнэлэхээс өмнө төслийн иж бүрдлийг хангасан эсэхийг СШББ-ийн маягт №5-ын дагуу хянан үзнэ.
- 4.3.2. СШББ-ийн маягт №5-д заасан иж бүрдлийг бүрэн хангаж байгаа, түүнд заасан баримт бичиг, нотлох баримт болон бусад маягтуудыг бөглөн ирүүлсэн, маягтуудын агуулгад өөрчлөлт оруулаагүй төслийг ШААРДЛАГАД НИЙЦСЭН төсөл гэж үзнэ.
- 4.3.3. Үнэлгээний ажлын хэсэг нь СШББ-ийн 4.3.2-т зааснаас бусад төслийг ШААРДЛАГАД НИЙЦЭЭГҮЙ гэж үзэж, уг төслийг нарийвчилсан үнэлгээнд оруулахаас татгалзана.
- 4.3.4. Үнэлгээний ажлын хэсэг шаардлагад нийцээгүй төслийн оролцогчид хариуг хүргүүлж Радио долгионы тухай хуулийн 11 дүгээр зүйлийн 11.10-т заасны дагуу дахин сонгон шалгаруулалтыг зарлана.
- 4.3.5. Үнэлгээний ажлын хэсэг нь зөвхөн СШББ-ийн 4.3.2-т заасан ШААРДЛАГАД НИЙЦСЭН гэж хянан үзсэн төслийг СШББ-ийн 4.4-т заасны дагуу үнэлнэ.

4.4. Төслийг үнэлэх

4.4.1. Үнэлгээний ажлын хэсэг нь дараах үзүүлэлтүүдийн дагуу үнэлнэ. Үүнд:

№	СШББ-т тодорхойлсон нөхцөл, шаардлагууд	Үнэлгээний оноо	
1	Радио давтамж ашиглан байгуулах сүлжээ, үйлчилгээний төрөл, түүний хамрах нутаг дэвсгэр	Үндсэн сувгийн нэвтрүүлэгч (станц), түүний антен фидерийн тоног төхөөрөмжийн байгуулалтын зураглал, технологи, төхөөрөмжийн ажиллагааны зарчим, блок схем	10 хүртэл
		Радио өргөн нэвтрүүлгийн станцын газар зүйн байршлын мэдээллийг маягт №8	5 хүртэл
2	Техник, технологийн сонголт, үзүүлэлт	Радио өргөн нэвтрүүлгийн нэвтрүүлэгч, антены техникийн үзүүлэлт	5 хүртэл
		Нэвтрүүлэгчийн тохирлын гэрчилгээ эсхүл нийлүүлэгчийн мэдэгдэл	15 хүртэл
3	Үйлчилгээ хүргэх хугацааны төлөвлөлт	Радио нэвтрүүлэгч станцыг суурилуулж, нэвтрүүлэх хугацааны хуваарийг байршил тус бүрээр маягт №4	10 хүртэл
4	Өрсөлдөөн, зах зээлд үзүүлэх нөлөө	Тухайн нутаг дэвсгэрт үйл ажиллагаа хэрэгжүүлэх төлөвлөгөө, үр ашгийн талаар танилцуулга	5 хүртэл
		Тухайн зах зээлд өрсөлдөх нөхцөл /үнэ болон бүтээгдэхүүн, үйлчилгээний онцлог/, өртөгт суурилсан тарифын тооцоолол, хөрөнгө оруулалтад суурилсан санхүүгийн төсөөлөл /орлого, зардлын бүтэц/	5 хүртэл
5	Санхүүгийн төлөвлөлт, чадавх	Үйлчилгээ хүргэхэд шаардагдах хөрөнгө оруулалтын жагсаалт, шууд болон шууд бус зардал зэргийг тооцсон техник, эдийн засгийн тооцоолол, санхүүгийн төлөвлөлт, санхүүгийн эх үүсвэрээ тодорхойлсон баримт	10 хүртэл
		Оролцогчийн өмнөх оны жилийн эцсийн санхүүгийн баталгаажсан тайлан	10 хүртэл
6	Хүний нөөцийн чадавх	Төслийг хэрэгжүүлэх хүний нөөцийн бодлого, төлөвлөлт, зохион байгуулалт болон удирдлагын баг, инженер техникийн ажилтнуудын талаарх танилцуулга, нийгмийн даатгалын шимтгэл төлсөн баримт эсхүл ажилд авсан тушаал, хөдөлмөрийн гэрээг ирүүлэх	5 хүртэл
		Танилцуулгатай холбоотой хүний нөөцийн мэдээллийг СШББ-ийн маягт №3-ыг бөглөн ирүүлэх.	2 хүртэл
7	Тусгай зөвшөөрлөөр эрхлэх үйл ажиллагаанд тавих нөхцөл, шаардлага хангах байдал	Радио давтамж, радио давтамжийн тусгай зөвшөөрлийн хүрээнд хийгдсэн хяналт, статистик тайлан	9 хүртэл
		Арилжааны радиогийн үйлчилгээ эрхлэх тусгай зөвшөөрлийн хүрээнд Өргөн нэвтрүүлгийн тухай хуулийн 10.8.4, 23.5-д заасан хөтөлбөрт тавигдах шаардлагыг хэрхэн хангаж	9 хүртэл

	ажиллах талаарх бүтээл, нэвтрүүлгийн жагсаалт, танилцуулгыг ирүүлнэ.	
Нийт үнэлгээний оноо		100 оноо хүртэл

- 4.4.2. Үнэлгээний ажлын хэсгийн бүх гишүүд төсөл тус бүрийг 100 хүртэл оноогоор үнэлж, онооны нийлбэрийн дунджаар төслийг үнэлнэ.
- 4.4.3. Төслийн үнэлгээ нь 80 ба түүнээс дээш оноог авсан тохиолдолд тухайн төслийг “ТЭНЦСЭН”-д тооцно. Хэрэв нэг багцад хоёр ба түүнээс дээш оролцогч төслөө ирүүлсэн тохиолдолд “ТЭНЦСЭН” төслүүдийн хамгийн өндөр оноотой оролцогчийн төслийг шалгаруулж тооцно.
- 4.4.4. Төслийн үнэлгээ нь 80-аас доош оноог авсан тохиолдолд тухайн төслийг “ТЭНЦЭЭГҮЙ”-д тооцно.
- 4.4.5. Сонгон шалгаруулалтын төслийн үнэлгээний оноо тэнцсэн тохиолдолд тусгай зөвшөөрлийн гэрээний үүргийн хэрэгжилтийг үндэслэн шийдвэрлэнэ.
- 4.4.6. Сонгон шалгаруулалтын нэгдсэн үнэлгээ, дүгнэлтэд үнэлгээний ажлын хэсгийн бүх гишүүд гарын үсэг зурж баталгаажуулах бөгөөд эсрэг саналтай гишүүн дүгнэлтэд энэ тухайгаа тэмдэглүүлж гарын үсэг зурна.
- 4.4.7. Үнэлгээний ажлын хэсэг сонгон шалгаруулалтын радио давтамжийн зурвас (суваг) тус бүрийн нэгдсэн үнэлгээ болон дүгнэлтийг Зохицуулах хорооны хуралдаанд танилцуулан шийдвэрлүүлж, мэдэгдлийг хүргүүлнэ.

4.5. Үнэлгээний ажлын хэсэгтэй харилцах

- 4.5.1. Талууд сонгон шалгаруулалттай холбоотой аливаа асуудлаар үнэлгээний ажлын хэсэгтэй төслийг нээхээс гэрээ байгуулах эрх олгох хүртэлх хугацаанд зөвхөн бичгээр харилцана.
- 4.5.2. Төслийг үнэлэх, гэрээ байгуулах эрх олгох тухай шийдвэр гаргах явцад оролцогчоос үнэлгээний ажлын хэсэгт нөлөө үзүүлэх аливаа оролдлого нь тухайн оролцогчоос ирүүлсэн төслөөс татгалзах үндэслэл болно.

4.6. Гомдол гаргах

- 4.6.1. Оролцогч нь сонгон шалгаруулалтын мэдэгдэл хүлээн авснаас хойш ажлын **5 [тав]** хоногийн дотор бичгээр Зохицуулах хороонд гомдол гаргаж болно.

МАЯГТ №1

СОНГОН ШАЛГАРУУЛАЛТАД ОРОЛЦОХ ӨРГӨДЛИЙН МАЯГТ

ХАРИЛЦАА ХОЛБООНЫ ЗОХИЦУУЛАХ ХОРООНД

... он ... сар ... өдөр

Сонгон шалгаруулалтад оролцох тухай

Бид (сонгон шалгаруулалтад оролцогчийн нэр) Харилцаа холбооны зохицуулах хорооноос зарласан ... дугаартай ... нутаг дэвсгэрт радио өргөн нэвтрүүлгийн станцад радио давтамж, радио давтамжийн зурвас ашиглах тусгай зөвшөөрөл олгох сонгон шалгаруулалт"-д дараах радио давтамжийн зурвас (суваг)-т оролцох хүсэлтэй байна. Үүнд:

1. аймгийн ... сумын багц..... радио давтамжийн ... МГц
2. аймгийн ... сумын багц..... радио давтамжийн ... МГц
3. аймгийн ... сумын багц..... радио давтамжийн ... МГц
4.

...

тус тус болно.

Эрх бүхий албан тушаалтны гарын үсэг, тамга : _____

Албан тушаал, нэр:

Хаяг: _____

МАЯГТ №2

СОНГОН ШАЛГАРУУЛАЛТАД ОРОЛЦОГЧИЙН БАТАЛГААНЫ МАЯГТ

ХАРИЛЦАА ХОЛБООНЫ ЗОХИЦУУЛАХ ХОРООНД

..... он . . . сар . . . өдөр

Энэхүү сонгон шалгаруулалтын баримт бичигт заасан Харилцаа холбооны тухай хууль, Радио долгионы тухай хууль, Өргөн нэвтрүүлгийн тухай хууль, Зөвшөөрлийн тухай хууль, холбогдох бусад хууль тогтоомж, захиргааны хэм хэмжээний акт, тухайн үйлчилгээнд хамаарах тусгай зөвшөөрлийн нөхцөл, шаардлагын дагуу саналаа үнэн зөв бүрдүүлсэн болно.

Сонгон шалгаруулалтын төслийг боловсруулахдаа тухайн үйлчилгээ эрхлэхтэй холбоотой үүрэг, үйлчилгээний зах зээл, онцлогийг харгалзан үзэж холбогдох захиргааны хэм хэмжээний актууд, нөхцөл, шаардлагуудыг судалсан бөгөөд энэхүү сонгон шалгаруулалтын баримт бичиг, түүний бүх хавсралтыг бүрэн хүлээн авч, сайтар танилцсан болно.

Бүрдүүлсэн баримт бичигт худал, ташаа мэдээлэл орсон бол хуулийн хариуцлагыг бид хүлээхээ үүгээр баталгаа гаргаж байна.

Сонгон шалгаруулалтад оролцогчийн нэр: _____

Эрх бүхий албан тушаалтны гарын үсэг, тамга : _____

Албан тушаал, нэр: _____

Хаяг: _____

МАЯГТ №3

ТУХАЙН АЖЛЫГ ХЭРЭГЖҮҮЛЭХЭД ШААРДАГДАХ ХҮНИЙ НӨӨЦИЙН
МЭДЭЭЛЛИЙН МАЯГТ

№	Ажиллах ажилтны овог, нэр	Албан тушаал	Ажилласан жил		Төгссөн их дээд сургууль, дипломын дугаар
			Тухайн байгууллагад	Мэргэжлээрээ	
1					
2					
3					
4					
5					
...					

Жич: Төгссөн их дээд сургууль, дипломын хуулбар хавсаргахгүй.

МАЯГТ №4

РАДИО НЭВТРҮҮЛЭГЧ СТАНЦ СУУРИЛУУЛЖ, НЭВТРҮҮЛЭХ ХУГАЦААНЫ
ХУВААРИЙН МАЯГТ

Хэрэгжүүлэх ажлууд	Хугацаа /сар, өдөр/				
	сар	сар	сар	сар	сар

МАЯГТ №5
ИЖ БҮРДЛИЙН МАЯГТ

Энэхүү баримт бичгийн холбогдох заалт	Төслийн иж бүрдэл	Шаардлага хангасан болон материалыг бүрдүүлсэн бол ✓ тэмдэглэгээ хийнэ	Хуудасны дугаар
2.2.1	Оролцогч нь сонгон шалгаруулалтад оролцох өргөдлийн маягт №1-ийн дагуу албан бичиг		
2.2.2	Оролцогч сонгон шалгаруулалтын баримт бичигтэй сайтар танилцаж, холбогдох хууль, захиргааны хэм хэмжээний актуудыг судалсан гэдгээ баталгаажуулсан сонгон шалгаруулалтад оролцогчийн баталгааны маягт №2-ын дагуу албан бичиг		
2.2.3	Байгууллагын бүтэц, удирдлага, үйл ажиллагааны танилцуулга болон радио давтамж ашиглах тусгай зөвшөөрлийн хэрэгцээ шаардлага, төлөвлөж буй үйл ажиллагааны танилцуулга		
2.3.1	Үндсэн сувгийн нэвтрүүлэгч (станц), түүний антен фидерийн тоног төхөөрөмжийн байгуулалтын зураглал, технологи, төхөөрөмжийн ажиллагааны зарчим, блок схем		
2.3.2	Радио өргөн нэвтрүүлгийн станцын газар зүйн байршлын мэдээллийг маягт №8		
2.4.1	Радио өргөн нэвтрүүлгийн нэвтрүүлэгч, антены техникийн үзүүлэлт		
2.4.2	Нэвтрүүлэгчийн тохирлын гэрчилгээ эсхүл нийлүүлэгчийн мэдэгдэл		
2.5.1	Радио нэвтрүүлэгч станцыг суурилуулж, нэвтрүүлэх хугацааны хуваарийг байршил тус бүрээр маягт №4		
2.6.1	Тухайн нутаг дэвсгэрт үйл ажиллагаа хэрэгжүүлэх төлөвлөгөө, үр ашгийн талаар танилцуулга		
2.6.2	Тухайн зах зээлд өрсөлдөх нөхцөл /үнэ болон бүтээгдэхүүн, үйлчилгээний онцлог/, өртөгт суурилсан тарифын тооцоолол, хөрөнгө оруулалтад суурилсан санхүүгийн төсөөлөл /орлого зарлагын бүтэц/		
2.7.1	Үйлчилгээ хүргэхэд шаардагдах хөрөнгө оруулалтын жагсаалт, шууд болон шууд бус зардал зэргийг тооцсон техник, эдийн засгийн тооцоолол, санхүүгийн төлөвлөлт, санхүүгийн эх үүсвэрээ тодорхойлсон баримт		
2.7.2	Оролцогчийн өмнөх оны жилийн эцсийн санхүүгийн баталгаажсан тайлан		
2.8.1	Төслийг хэрэгжүүлэх хүний нөөцийн бодлого, төлөвлөлт, зохион байгуулалт болон удирдлагын баг, инженер техникийн ажилтнуудын талаарх танилцуулга, нийгмийн даатгалын шимтгэл төлсөн баримт эсхүл ажилд авсан тушаал, хөдөлмөрийн гэрээ		
2.8.2	Танилцуулгатай холбоотой хүний нөөцийн мэдээллийг СШББ-ийн маягт №3		
2.9.1	Радио давтамж, радио давтамжийн тусгай зөвшөөрлийн хүрээнд хийгдсэн хяналт, статистик тайлан. (Оролцогч энэ шаардлагад материал ирүүлэхгүй.)		

2.9.2	Арилжааны радиогийн үйлчилгээ эрхлэх тусгай зөвшөөрлийн хүрээнд Өргөн нэвтрүүлгийн тухай хуулийн 10.8.4, 23.5-д заасан хөтөлбөрт тавигдах шаардлагыг хэрхэн хангаж ажиллах талаарх бүтээл, нэвтрүүлгийн жагсаалт, танилцуулгыг ирүүлнэ.		
-------	---	--	--

МАЯГТ №6

СОНГОН ШАЛГАРУУЛАЛТЫН ТӨСӨЛ ХҮЛЭЭН АВСАН ТУХАЙ ТЭМДЭГЛЭЛИЙН
МАЯГТ

Сонгон шалгаруулалтын нэр:	
Сонгон шалгаруулалтын дугаар:	№
Сонгон шалгаруулалтад оролцогч хуулийн этгээдийн нэр:	
Сонгон шалгаруулалтын төсөл ирүүлсэн огноо, хугацаа:	
Сонгон шалгаруулалтын төсөл хүлээлгэн өгсөн хүний нэр, албан тушаал:	
Холбоо барих утас:	
Баталгаажуулалт: /гарын үсэг /	
Сонгон шалгаруулалтын төсөл хүлээн авсан хүний нэр, албан тушаал:	
Хүлээн авсан огноо, хугацаа:	

Жич: Сонгон шалгаруулалтын төсөлд энэхүү маягыг бөглөх шаардлагагүй.

МАЯГТ №7

СОНГОН ШАЛГАРУУЛАЛТЫН НЭЭЛТИЙН ТЭМДЭГЛЭЛИЙН МАЯГТ

Сонгон шалгаруулалтын нэр:	
Сонгон шалгаруулалтын дугаар:	№

Сонгон шалгаруулалтыг хүлээн авах эцсийн хугацаанд буюу оны ... дугаар сарын ...-н... өдрийн ... цаг ... минутаас өмнө ирүүлсэн сонгон шалгаруулалтын төслийг мөн өдрийн 12 цаг 00 минутаас өмнө нээж, дор дурдсан мэдээллийг зарлаж тэмдэглэв.

№	Сонгон шалгаруулалтад оролцогчийн нэр	Төслийн бичиглэл	Төслийн битүүмжлэл	Нээлтэд оролцсон хүний нэр, албан тушаал	Гарын үсэг
1					
2					
...					

МАЯГТ №8

РАДИО ДАВТАМЖ, РАДИО ДАВТАМЖИЙН ЗУРВАС АШИГЛАХ
ТУСГАЙ ЗӨВШӨӨРӨЛ ХҮСЭХ ӨРГӨДЛИЙН МАЯГТ

/Нэвтрүүлэгчийн байршил тус бүрээр бөглөнө./

РАДИО ӨРГӨН НЭВТРҮҮЛГИЙН ҮЙЛЧИЛГЭЭНД РАДИО ДАВТАМЖ, РАДИО ДАВТАМЖИЙН ЗУРВАС АШИГЛАХ СТАНЦ		
1. НЭВТРҮҮЛЭГЧИЙН МЭДЭЭЛЭЛ / INFORMATION OF TRANSMITTER		
1.1. Нэвтрүүлэгчийн байршил / Location of transmitter		
Хот, дүүрэг, сум, хамрах хүрээ, ажиллах газрын нэр / City, province, area of coverage		
Уртраг / Longitude / E		Өргөрөг / Latitude / N
1.2. Нэвтрүүлэгчийн үзүүлэлт / Radio transmitter details		
Станцын ангилал / Class of station	Төхөөрөмж үйлдвэрлэгч, загвар / Manufacturer, model	Станцын төрөл / Station type
<input type="checkbox"/> FM радио		<input type="checkbox"/> Суурин / Fixed
Радиогийн нэр / Call Sign	Ажиллах боломжтой давтамжийн зурвас (МГц) / Available frequency band (MHz)	Зурвасын өргөн (МГц) / Frequency bandwidth (MHz)
Станцын тоо / Quantity	Гаралтын чадал (Вт) / Transmitter power (W)	Хамрах хүрээ / Service area
Идэвхтэй цацаргалтын чадал (Вт) / Power _{е r p} (W)	Нэвтрүүлэх технологи / Transmitting technology	Хангах стандарт / Compatible Standart
	<input type="checkbox"/> Аналоги <input type="checkbox"/> Тоон	
1.3. Антены үзүүлэлт / Antenna details		
Антенy үйлдвэрлэгч, Загвар / Manufacturer, Model	Тоо ширхэг / Quantity	Антенy төрөл / Antenna type
Өсгөлтийн коэффициент (дБ) / Gain(dB)	Антенy ажиллах давтамж (МГц) / Antenna frequency range (MHz)	
Туйлшрал / Polarization	Антенy өндөр (м) / Antenna height (m)	
Босоо өнцөг (Градус) / Elevation V (Degree)	Хэвтээ өнцөг (Градус) / Azimuth E (Degree)	

---oOo---